

**MH370: Malaysia Hargai Sokongan Sahabat Serantau - Najib
Bernama
25 Mac, 2014**

KUALA LUMPUR, 25 Mac (Bernama) -- Malaysia menghargai sokongan negara serantau dalam misi mencari pesawat Malaysia Airlines MH370 yang hilang sejak 8 Mac.

"Malaysia menghargai sokongan sahabat serantau," kata Perdana Menteri Datuk Seri Najib Tun Razak dalam Twitter beliau Selasa.

Najib turut berkongsi tweet Presiden Indonesia Susilo Bambang Yudhoyono yang menyebut: "Kepada bangsa Malaysia dan Perdana Menteri @najibrazak, kami juga menyampaikan dukacita atas tragedi ini."

Di laman blognya pula, Najib turut memaparkan ringkasan dan sorotan bergambar mengenai penglibatan beliau sepanjang usaha mengesan pesawat malang itu.

Dalam sidang media semalam, Perdana Menteri mengumumkan penerbangan pesawat MH370 berakhir di selatan Lautan Hindi.

Pesawat MH370, yang membawa 227 penumpang dan 12 anak kapal, berlepas dari Lapangan Terbang Antarabangsa KL pada 12.41 tengah malam 8 Mac menuju Beijing, hilang daripada skrin radar sejam kemudian.

-- BERNAMA

Copyright © 2014 BERNAMA

Source: <http://www.bernama.com/bernama/v7/bm/newsindex.php?id=1024856>